

生子其婦燥病方愈

戴人曰予見孕婦利膿血下迫極努損胎但同前法治之愈者莫知其數也為醫拘常禁不能變通非醫也非學也識医者鮮是難說也

又治一男子年六十餘病腰尻脊膝皆病數載不愈晝靜夜躁大痛往來屢求自盡天年且夕則痛作必令人以手槌擊至四五更鷄鳴則漸減向曙則痛止左右及病者皆作鬼神陰譴白虎齧朝禱暮祝覲巫僧道禁師至則其痛似減又

夢鬼神戰聞山川神廟無不祭者淹延歲月肉瘦皮枯飲食減少暴怒日增惟候一死有書生曰既云鬼神虎齧陰譴之禍如此禱祈何無一應聞陳郡有張戴人精於醫可以問其鬼神白虎與病乎彼若術窮可以委命其家從之戴人診其兩手脉皆沉滯堅勁力如張絙謂之曰病雖瘦難於食然腰尻脊膝皆痛者必大便堅燥其左右曰有五七日或八九日見燥糞一兩塊如彈丸結硬不可言曾令人剗取之僅下一兩

塊渾身燥痒皮膚皺揭枯澁如赭片戴人既得
病之虛實隨用大承氣湯以姜棗煎之加牽牛
頭末二錢不敢言是瀉劑蓋病者聞煖則悅聞
寒則惧說補則從說瀉則逆此弊非一日也而
況一齊人傳之衆楚人咻之乎及煎成使稍熱
嚥之從少至多累至三日天且晚臟腑下泄四
五行約半盆以灯視之皆燥糞燥痺及瘀血雜
臟穢不可近湏臾痛減九分昏睡鼻息調如常
人睡至明日將夕始覺飢而索粥溫涼與之又

困睡一二日其痛盡去次令飲食調養日服導
飲九甘露飲滑利便溺之藥四十餘日乃復鳴
呼世傳三十六虎書三十六黃經及小兒三十
六吊誰為之耶始作備者其無後乎古人以醫
為重故医之道行今之人以醫為輕故医之道
廢學者自局於術藝病者亦不擇精粗一槩待
之常見官医迎送長吏馬前折腰真可羞也由
是博古通今者少而師傳遂絕灵樞經謂刺與
汗雖久猶可拔而雪結與閉雖久猶可解而决

去腰脊膝痛者足太陽膀胱經也膝痛足少陽
 膽經之所過也難經曰諸痛為實內經曰諸痛
 痒瘡瘍皆屬心火注曰心寂則痛微心躁則痛
 甚人見巫覡僧道禁師至則病稍去者心寂也
 然去其後來者終不去其本也古之稱痛隨利
 減不利則痛何由去病者既痊乃壽八十歲故
 凡燥症皆三陽病也
 內經燥治法燥淫於內治以苦溫佐以甘辛以辛
 潤之以苦下之

治風之劑

機要大秦芎湯 治血弱陰虛不能養筋、燥而
 手足不能運動指爪乾枯屬風熱甚者

秦芎 石膏各二 甘草 川芎

當歸 芍藥 羌活 獨活

防風 黃芩 白芷 生地黃

熟地 白朮 茯苓各一 細辛 五錢

春夏加知母一兩

右剉每服一兩水煎服 天陰雨加生薑七片

麻仁丸

郁李仁 麻仁各六兩 檳榔五錢 大黃二兩五錢

山藥 防風 枳殼妙各七錢半 羌活

木香錢五半

右為末煉蜜為丸如梧子大每服二三十丸

溫湯下

東垣潤腸丸 治脾胃中伏火大便秘澀或乾燥閉塞不通全不思食乃風結秘血結秘皆令閉塞也以潤燥和血疎風自然通矣

麻子仁兩一 羌活

歸尾 大黃煨

皂角仁 秦艽錢五 薤仁去皮尖

右除二仁另研餘為末煉蜜為丸如梧桐子大每服三五十丸食前白湯下

又有潤燥丸一方於本方加郁李仁防風

東垣導滯通幽湯 治大便難幽門不通上冲吸

門不開噎塞不便燥閉氣不得下治在幽門以辛潤之

當歸 升麻 桃仁另研各一錢 紅花三分

生地黄 熟地各五分 甘草各三分

右水煎調楨榔末五分

加大黃名當歸潤燥湯

脾約丸

麻仁一兩二錢半 枳實 芍藥各二兩 大黃蒸四兩

杏仁去皮尖炒一兩二錢

為末煉蜜丸如梧子大每二三十九溫水下

潤躰丸

郁李仁 大黃 桂心 黑丑

當歸 黃柏各五錢 輕粉少許

右為末水丸梧子大每服三四十九溫水下

滋燥養榮湯 治皮膚皴揭筋燥爪枯

當歸酒洗二錢 生地黄 熟地黄 白芍

秦艽 黃芩各一錢五分 防風一錢 甘草五分

水煎服

大補地黃丸 治精血枯涸燥熱

黃柏鹽酒炒四兩 知母鹽酒炒二兩 枸杞子三兩 熟地四兩

山藥三兩 山茱萸 白芍各二兩 生地黄二兩半

當歸 三兩 玄參

肉蓯蓉 酒浸各一兩半

右為末煉蜜丸如桐子大每服七八十九空心淡鹽湯送下

清涼飲子 治上焦積熱口舌咽鼻乾燥

黃芩 黃連 各二錢 薄荷 玄參

川歸 芍藥 各一錢半 甘草 一錢

水二鍾煎八分不拘時服大便秘結加大黃東垣清燥湯 治濕熱成痿以燥金受濕熱之邪是絕寒水生化之源、絕則腎衰痿厥之病大

作腰已下痿軟癱瘓不能動方在注夏

半硫丸 治冷秘風秘結老人秘


透明硫黃 研 半夏 洗七次

各等分為末生姜糊為丸梧子大每服二十丸姜湯下或用菟白一條姜三片煎入阿膠二片溶化食前空心送下

寒門

明寒篇

生生子曰寒冬之令氣也六之終氣也水之所司
腎為之主運氣六化篇曰冬之為言終也素問
天元紀大論篇鬼臾區曰道生智玄生神神在
天為風在地為木在天為熱在地為火在天為
濕在地為土在天為燥在地為金在天為寒在
地為水又五行大論篇曰北方生寒寒生水水
生醜醜生腎在體為骨在氣為豎在臟為腎其



性為凜其德為寒其用為闔其色為黑其化為
肅故造化非嚴凜殺厲以固閉之則無以藏蓄
微陽為春生之本故曰冬令嚴寒萬類潛藏君
子固蜜啓玄子曰冬三月此謂閉藏水冰地拆
無擾乎陽夜卧晏起必待日光示人隨時調攝
也設令防閑少疎彼躰虛者觸冒之傷太陽寒
水之經而為外感之証即時而病頭項痛腰脊
強脉浮而緊名曰傷寒其症治大傳變多端愚
故採諸家傷寒另為一卷以統治之茲特以病

機屬於內因者條列於斯所以別內外以見先
賢用心有定宗又使後習調劑有定向也故首
著中寒而以雜症屬寒者亦隸焉

中寒

雜症附

丹溪曰中寒非傷寒可比傷寒乃外感寒邪必大
發熱循經而入以漸而深熱雖甚不死中寒乃
君卒感受其病即發而暴此胃氣之大虛也若
不急治去生甚速當溫補

生生子曰寒乃天地凝殺厲之氣惟躰虛乃易

感之其症面青口噤四肢強直卒急疼痛甚則
昏迷不省人事脉多遲緊急宜以姜附湯温之
或理中湯加附子治之雜症亦有寒者非若中
寒之猛而急也又或炎天避暑乘風取凉或口
食生冷皆有寒症

劉守真病機曰諸病上下所出水液澄徹清冷下
痢清白吐痢腥穢食已不飢堅痞腹滿急痛癥
瘕癰疽屈伸不便厥逆禁固皆屬於寒

內經曰陰氣有餘為多汗身寒又曰陰盛則身寒
汗出身常清數慄而寒寒則厥

受寒甚者手足厥冷腹中絞痛唇青氣冷可急於
臍下三寸丹田穴上灸之或三五十壯或百壯
俟手足温暖為度或用熨法亦可

姜附湯 治中寒口禁四肢強直失音不語忽然
暈倒口吐涎沫狀如暗風手足厥冷或復煩躁
蕪陰症傷寒大便利而發熱者

乾姜 五錢 熟附子 三錢

水二鍾煎八分作二次服

或慮此方太燥即以附子理中湯相繼服姜附本治傷寒經下后又復發汗內外俱虛身無大熱晝則煩躁夜則安靜不渴六脈沉伏並宜服此不知脈者更宜審之兼治中脘虛寒久積痰水心腹冷痛霍亂轉筋四肢厥逆

理中湯 治五臟中寒口噤失音四肢強直兼治胃脘停痰冷氣刺痛

人參 乾姜炮 甘草 白朮各二錢
水二鍾煎至一鍾不拘時服

加附子名附子理中湯

沉附湯 治虛寒無陽胃弱乾嘔

附子炮 乾姜炮半兩 沉香 白朮各二錢半
甘草

右分二服每服加生姜五片水二鍾煎八分
食遠服

生料五積散 治感冒寒邪頭痛身疼項強拘急惡逆吐逆腹痛又治傷寒發熱頭痛惡風無問內傷生冷外感風寒及寒濕客於經絡腰脚痠

一痛及婦人經血不調或難產並治之

白芷 七分 半夏 厚朴 川芎

甘草 枳壳 炒 茯苓 當歸

桔梗 乾姜 炮 芍藥 肉桂 各八分

麻黃 陳皮 錢一 蒼朮 二錢

作一帖 生姜三片 芎白三莖 水二鍾 煎一鍾 不拘時服

正氣散 治傷寒陰症增寒惡風正氣逐冷

方見霍亂門

理氣治中湯 治寒氣攻心嘔逆心腹絞痛或泄

瀉四肢厥冷或疝氣攻築小腹疼痛並宜服之

青皮 陳皮 人參 白朮 炒

炮姜 甘艸 錢一 木香 七分

生姜三片 水煎服

肉桂散 治傷寒服冷藥過多心腹滿脹四肢厥

冷昏沉不省人事變為陰毒惡症

肉桂 白朮 木香 厚朴

良姜 錢三 白芍 人參 陳皮

前胡

當歸

附子炮各一兩

吳茱萸五錢

每服五錢姜三片紅棗三枚水煎不拘時服

溫中湯 脉沉遲乃胃中寒也及胸膈滿悶身軀

拘急手足逆冷急宜溫之

丁皮

厚朴各一兩 乾姜炮

白朮

陳皮

丁香各一錢

右俱末每服二錢菝白湯調下

木附理中丸 治中寒急心腹痛

人參

附子炮

炮姜 白朮

炙甘草

木香

丁香

各等分為末煉蜜為丸如梧子大每服六七

十九丸白湯食前送下

沉香桂附丸 治中寒心腹冷痛霍亂轉筋等症

沉香

附子炮

炮姜

良姜炒

官桂

茴香炒

川烏炮

臍去

吳茱萸炒

湯浸洗

各等分為末醋煮麩糊為丸梧子大每服五

七十九丸米飲下空心食前二次忌生冷

熨法

治三陰中寒一切虛冷厥逆嘔噦陰盛陽

虛及陰毒傷寒四肢厥冷臍腹痛咽喉疼嘔吐
下利身背強自汗脉沉細唇青面黑諸虛冷証
皆治

肥葱劉細麥麩皮各三升食鹽二兩

用水一大盞同和拌勻濕遍分作二次入鍋
同炒極熟用重絹縫作二包先將一包熱熨
臍上冷則易之菟包既冷再加鹽水拌濕炒
隼依前熨之再炒再熨至煤爛不用別另取
新菟麥麩皮入鹽日夜不住手相續至身軀

溫熱陽氣復回脉起為度

人參養胃湯 治外感寒邪內傷生冷

蒼朮 厚朴 半夏麩各二人參

茯苓 草果 藿香各一錢二分 陳皮

甘草炙五分

姜三片烏梅半個水煎服

薑桂散 溫中散寒

乾姜 良姜各半 桂心 木香

半夏麩 炙甘草各一錢

姜五片紅棗三枚水煎服

東垣謂陰氣上溢於陽分則晝寒陰血自旺於陰分則夜寒氣分寒桂枝加附子湯桂枝加芍藥人參湯血分寒巴戟九神珠丸

桂枝加附子湯 治太陽病發汗遂漏不止惡風小便難四肢微急難以屈伸

桂枝 芍藥各兩半甘草兩附子炮半個

每服五錢姜四片棗一枚水一鍾半煎七分桂枝加芍藥生薑人參湯 治發汗後身痛脉沉

遲

桂枝 人參兩半芍藥 兩甘草炙一兩

煎法如上

巴戟丸 治肝腎俱虛收領精氣補真戩陽進美

飲食 白朮 五味 巴戟

覆盆子 茴香 熟地 人參

菝葜 兔絲子 牡蠣 益智仁

骨碎補 白龍骨各等分

為末煉蜜丸梧子大每服三十九食前米飲

下日三服

神珠丸 治下焦元氣虛弱小腹冷痛皮膚燥澀

小水自利足胫寒而逆 又名離珠丹

杜仲兩炒三訶子炮五草薺二兩龍骨一兩

破故布兩胡桃去皮硃砂另研一兩半砂仁半兩

為末酒糊為丸梧子大硃砂為衣每服三十

丸空心酒下麻絃數及絃細者皆不可服詳見衛生寶鑑

王海藏治三焦寒用藥大例

上焦寒 陳皮 厚朴 藿香 皆可治之

中焦寒大小便不通白朮乾姜丁香皆可治之

下焦寒 肉桂 附子 沉香

上焦寒

鉄刷湯 治積寒痰飲嘔吐不止胸膈不快飲食

不下 半夏四錢草薺仁 丁香

乾姜 訶子皮生薑一兩

大吐不止加附子三錢生薑半兩分二服水煎

桂附丸 治寒邪冷氣入乘經絡令人卒心痛或

引背脊

川烏

黑附各兩炮姜

赤石脂

川椒

去目微炒桂心各二兩

右為末蜜丸梧子大每服三十九丸不止加至

五十九丸溫水吞

胡椒理中丸

治肺胃虛寒咳嗽喘嘔痰水

胡椒

甘草

欵花

藜蘆

良姜

細辛

陳皮

乾姜各四兩

白朮五兩

為末蜜丸梧子大每三十九丸至五十九丸溫水

或酒任下

中焦寒

附子理中丸

治脾胃冷弱心腹疴痛嘔吐瀉利

霍亂轉筋體冷微汗滿悶腹鳴飲食不進

即前理中湯加附子為末用煉蜜丸梧子大每

服三十九丸溫水下

二氣丹

助陽退陰治裡寒心腹刺痛泄利嘔吐

自汗厥冷小便不禁霍亂轉筋久下冷利

硫黃

桂心各一分

炮姜二錢黑附子炮半兩

硃砂二錢

為末麵糊丸梧子大每服三十九空心煎艾湯入鹽送下

大建中湯 治內虛少氣厥冷大小腹絃急不融食起則微汗陰縮口唇乾燥精滑自出或手足乍寒乍熱而煩冤痠痛不能久立常多夢遺

黃芪

當歸

桂心

芍藥各二錢

人參

甘艸銹

半夏

黑附子炮各二錢半

每服五錢姜三片棗二枚水煎服

下焦寒

張仲景八味丸 補腎之不足

還少丹 大補心腎脾胃治一切虛損肢躄倦怠

小便混濁

山藥

牛膝

遠志

巴戟

山茱萸

杜仲

茯苓

楮實子

五味子

菴蓉

石菖蒲

茴香各一兩

枸杞

熟地各二兩

為末棗膏搗為丸梧子大空心食前溫酒鹽湯任下三五十九日三〇有熱加山梔一兩

○心氣不寧加麥冬一兩○精神少再加五味子一兩○陽弱加續斷一兩

天真丹 治下焦陽虛

沉香 茴香 草薺酒浸 巴戟酒浸去心

破故帛炒 葫蘆巴炒 杜仲鹽水炒 黑牽牛鹽水炒

琥珀 桂心各五錢

右為末浸酒打糊為丸梧子大空心酒下五十丸

通治三焦甚寒之氣

大已寒丸 治臟腑虛冷心腹痠痛泄瀉腸鳴自

利自汗米穀不化手足厥冷

萼扒 桂心各六兩 炮姜 良姜各十兩

右為末麵糊丸梧子大每服二十九食前米飲下

四逆湯 傷寒自利不渴嘔噦不止或吐利俱發

小便或澁或利或多汗厥冷脉微欲絕

炙甘草二兩 炮姜半兩 附子半兩

每服三四錢水一鍾半煎七分温服

海藏治下焦寒四逆湯例乾姜味苦止而不行
附子味辛行而不守泄小便不通二藥皆陽氣
化能作小便若姜附朮三味內加茯苓以分利
之為佳附生用而不炮則無火力熱則行而不
止兼用水多煎少則味厚而直入下焦

治五臟寒方

肝寒雙和散

心寒定志丸菖蒲丸

脾寒益黃丸

肺寒小青龍湯

腎寒八味丸

東垣雙和散

補血益氣治虛勞少力

黃芪

熟地

當歸

川芎

官桂

甘草各七錢

白芍一錢

姜六片大棗六枚分二服水煎服無時

東垣曰此方予每治傷寒瘧疾中暑大病之後
虛勞氣乏者以此調治極驗不熱不冷溫而有
補乃建中四物二方化而為一也

益黃散

陳皮一兩青皮

訶子肉

炙甘草各半兩

丁香二錢

右為末每服二三錢水煎服海藏云此劑瀉脾以燥濕

姜附湯 加麻黃白朮人參甘草等分名附子麻

黃湯治中寒濕昏暈緩弱腰脊強急口眼喎斜
語聲渾濁胸腹脹氣上喘急不能轉動兼宜
審而用之

代灸膏 治老人衰弱元氣虛冷臟腑虛滑腰脚
冷痛沉重減食手足逆冷不能忍者用此代灸
其効不能盡述

大附子炮一枚 吳茱萸 桂皮 木香各半

蛇床子兩 馬藺草兩

為細末每用藥半匙生姜汁半盞白麵半匙
同煎成膏攤於帛上臨臥貼臍以油帛覆其
上綿衣繫之自夜至明乃去每夜如此其腰
腹如灸能除寒積若腰痛貼腰眼

霹靂散 乃正治溫散之劑

附子一枚炮熟取出用冷灰窰之良久取出研
末入真鴈茶一大錢同和分二服每服水一盞

煎六分臨熟入蜜半匙放溫服之

寒中

東垣曰夫脾胃之症始則熱中終傳寒中經云陰盛生內寒厥氣上逆寒積於胸中是腎水反來侮土此謂所勝者妄行或作中滿腹脹或作涎涕或足下痛不能任身履地骨乏無力喜睡兩丸多冷時作陰、而痛或妄見鬼狀夜夢亡人腰脊背胛俱痛而不渴不瀉此濕氣去而寒獨存血絡凝泣故其脈盛大以濇名曰寒中以白

甚脈絃而緩遂以江茶入生姜汁香油些少調飲之吐痰一升許減大半又與通聖散去麻黃

大黃芒硝加當歸地黃百帖而安

一女子惡寒用苦參赤小豆各一錢為末薑水調飲之吐痰甚多繼用後藥調理

川芎

南星

蒼朮

黃芩

酒打麴糊丸服

上焦不通則陽氣抑遏而皮膚分肉無以溫之故寒慄東垣升陽益胃湯用升發之劑開發上

焦以伸陽明之氣出於表而溫之也丹溪吐出
濕痰亦開發上焦使陽氣隨吐伸發出外而溫
之也故寒慄皆愈二者乃治陽虛表寒之要
王海藏治一婦先病惡寒手足冷全不發熱脉八
至兩脇微痛治者便作少陽治之陽在內伏於
骨髓陰在外致使發寒治當不從內外從乎中
治也宜以小柴胡調之倍加姜棗

丹溪治一婦年近六十六月內常覺惡寒戰慄喜
裂火御綿汗時如雨形肥肌厚已服附子十餘

術附子湯治之

白朮附子湯 治寒中諸症

白朮 附子炮 陳皮 蒼朮炒

厚朴制 半夏 茯苓 澤瀉各 兩

猪苓半兩 桂心四錢

每服五錢生姜三片水煎服 量虛實加減

背寒

仲景云心下有留飲其人背惡寒冷如冰治法
茯苓丸之類是也 即千金化痰丸

身前寒

經云胃足陽明之脉氣虛則身以前皆寒慄治法宜鍼補三里穴是也

掌中寒者腹中寒魚上白肉有青血脉者是胃中有寒也

理中湯之類

惡寒

丹溪曰久病惡寒當用解鬱○濕痰積中抑遏陽氣不得外泄身必惡寒○惡寒非寒明是熱症進士周年近四十得惡寒症服附子數百帖而病

帖渾身痒甚兩手脉沉瀼重取稍大知其熱甚而血虛也以四物去川芎倍地黃加白朮黃芪炒黃栢生甘草人參每服一兩重始煎一帖飲之腹大泄目無視口無言知其病勢深而藥無反佐之過也仍以前藥熱炒與之蓋借火力為向導一帖利止四帖精神回十貼病全安

又蔣氏婦年三十餘形瘦面黑六月喜熱惡寒兩手脉沉而瀼重取則數以三黃丸下之以姜湯每服三十九二十帖微汗而安

又云三補丸亦



國家圖書館, NATIONAL CENTRAL LIBRARY, TAIWAN, R.O.C.

大宮詹少溪吳馭閱校

赤水玄珠第三卷目錄

頭痛門

附頭風

眉稜眶痛

雷頭

風

大頭病

風屑

頭重

面門

頰車病

目門


鼻門

耳門

口門

唇

舌門



目錄

齒門

咽喉門 喉痺 梅核氣

赤水玄珠第三卷

頭痛

新安生生子孫一奎著輯

生生子曰頭為諸陽之首至清至高之處也苟外無風寒霧露之觸內無痰火濕熱之薰必無痛也既有內外之因當循內外之治

凡頭痛當分三陰三陽諸血虛頭痛當歸川芎主之諸氣虛頭痛人參黃芪主之兼見何症以佐使之藥濟之此立方之大法也血氣俱

虛於調中益氣湯加川芎蔓荊子細辛其効如神 濕厥頭痛清空膏主之 諸厥逆頭痛羗活附子湯主之 濕熱在頭者以苦吐之 世有真頭痛旦發夕死夕發旦死原其受病乃氣血虛極以致風寒暑濕之氣得以犯之名曰厥頭痛痛引腦巔陷於泥九宮中非藥所能愈蓋其根本先絕也 丹溪曰頭痛多主於痰痛甚者火也有可吐者亦有可下者 東垣曰經云東風生於春病在肝俞在頸項故春氣者病在

頭又諸陽會於頭面如足太陽經之脉起於目内眦上額交巔直入絡腦還出别下項病衝痛又足少陽之脉起於目銳眦上抵頭角病則頭角額痛夫風從上受之風寒傷上邪從外入客于經絡令人振寒頭痛身重惡寒治在風池風有調其陰陽不足則補有餘則瀉汗之則愈此傷寒頭痛也 如氣上不下頭痛巔疾者下虛上實也過在足少陰巨陽甚則入腎寒濕頭痛也 有厥逆頭痛者所犯大寒內至骨髓以

腦為主腦逆故令頭痛齒亦痛 有心煩頭痛者病在膈中過在手巨陽少陰乃濕熱頭痛也 凡頭痛皆以風藥治之者揔其大體言之也 高巖之上惟風可到或味之薄者陰中之陽自地升天者也然亦有三陰三陽之異 太陽經頭痛惡風寒脉浮緊川芎獨活之類主之 少陽經頭痛脉弦細往來寒熱柴胡黃芩主之 陽明經頭痛自汗發熱不惡寒脉浮緩長實者升麻葛根石膏白芷主之 太陰經頭痛必有

痰體重或腹痛為痰癖脉沉緩者蒼朮半夏南星主之 少陰經頭痛三陰三陽經不流行而足寒氣逆為寒厥其脉沉細麻黃附子細辛湯主之 厥陰經頭疼項痛或吐痰沫冷厥其脉浮緩吳茱萸湯主之

丹溪云勞後下虛之人似傷寒發熱汗出兩大陽作痛宜補中益氣湯多加川歸川芎甚者加知母蔓荊子 又云自魚尾上攻而痛屬血虛川芎川歸酒黃柏諸經氣滯亦能作痛

王節齋曰久頭痛病畧感風寒便發寒月須重綿厚帕包裹者此屬鬱熱本熱而標寒世人不識率用辛溫解散之藥暫時得効誤認為寒殊不知因其本有鬱熱毛竅常踈故風寒易入外寒束其內熱閉逆而為痛辛熱之藥雖能開通閉逆散其標之寒邪然以熱濟熱病本益深惡寒愈甚矣唯當瀉火涼血為主而佐以辛溫散表之劑以從其標則病可愈而根可除也

郭茂恂之婦產七日不食始言頭痛頭痛已又心

痛作既而目睛痛如割如刺更作更止相去無瞬息間每頭痛甚欲取大石壓之良久漸定心痛作則以十指抓壁血流滿掌痛定目復痛又以兩手自剜取之如是十日不已衆醫無計進黑龍丹半粒疾少間中夜再服之服即下瞑目寢如平昔至平旦下一行約三升許如蝗蚩子三疾減半已刻又行如前則頓愈矣

頭重

東垣紅豈散治頭重極佳

方見雷頭風門

秘方茶調散 風熱上攻頭目昏痛及頭風熱痛
不可忍

片苓 二兩 酒拌炒 三 小川芎 一兩 細芽茶 三錢

白芷 五錢 薄荷 三錢 荆芥穗 四錢 頭巔及腦痛

加細辛 藁本 蔓荊子 各三錢

右為細末每服二三錢用茶清調下

頭風

丹溪云屬痰者多有熱有風有血虛 在左屬風
薄荷荆芥血虛川芎當歸 在右屬痰蒼朮半

夏熱則酒芩為主

沖和膏 偏正頭風腫痛并眼痛者塗上立止如

神 紫荊皮 炒五兩 獨活 去節炒三兩 赤芍 炒二兩 白芷

一兩 菖蒲 一兩 右為末葱頭煎濃湯調塗藥到痛止

又方 酒芩 一兩 蒼朮 羌活 防風 各五錢 細辛 二錢

蒼耳 三錢 右為末每服三錢生姜一大片同搗

均茶湯盪起服之

又方 酒芩 五錢 蒼朮 二錢 羌活 蒼耳 川芎

甘草 生酒黃連 各一錢半 半夏 麴 三錢半炒

右為末服法同前

頭痒風屑髮黃 用大黄酒浸炒為末茶調服

川芎散 偏頭痛頭風神効

甘菊 石膏 川芎 各三錢 為末每服一錢茶

清調下一方有白姜蚕六錢生用

經驗方 頭風頭痛

藿香 防風 各二兩 辰砂 薄荷 各一兩 天麻

白朮 白附子 白芷 各一兩五錢

右為末糊丸梧子大每服三十九丸白湯下

菊花茶調散 諸風頭目昏重偏正頭風鼻塞

菊花 川芎 荆芥穗 羌活 甘草 白芷

各二兩 細辛 一兩 防風 一兩 洗淨 蟬腿 姜蚕 薄荷

各五錢 右為末每服二錢食後用茶清調下

有一婦人患偏頭痛一邊鼻塞不聞香臭常流清

涕或作臭氣一陣服遍治頭痛藥如芎蝎皆不

効人無識此病者或曰腦癰偶有善醫云但服

局方芎犀丸不十數服忽作嚏涕突出一錠稠

膿其疾自愈 方見鼻淵

秘方 貼頭風熱痛 大黃 朴硝 各等分

右為末并底坭和捏作餅貼兩太陽穴神效
否則防壞目

祛風清上丸 風熱上攻眉稜骨痛

酒苓 二錢 白芷 一錢 防風 一錢 柴胡 一錢 荆芥 八分 川芎

一分 羌活 一錢 甘草 五分 水二鍾煎八分食後服

芎辛導痰湯 痰厥頭痛

川芎 細辛 南星 各一錢 半夏 二錢 陳皮 茯苓

片苓 酒炒各一錢 枳實 一錢 甘草 五分 如挾風熱甚

者加石羔三錢菊花一錢水二鍾姜三片煎至

八分食後服

清空膏 偏正頭痛年深及療風濕熱痛上壅損

目及腦痛年深不止

羌活 防風 各一兩 柴胡 七錢 川芎 五錢 甘草 炙一兩

黃連 炒一兩 黃芩 三兩 右為細末每服

二錢熟盞內入茶少許湯調如膏抹在口內少

用白湯送下臨卧服如苦頭痛每服中加細辛

二錢如太陰脉緩有痰名曰痰厥頭痛加羌活

防風川芎甘草又加半夏一兩半如偏正頭痛服之不愈減羌活防風川芎一半加柴胡一倍如發熱惡熱而渴正陽明頭痛只與白虎湯加白芷

小清空膏

諸般頭痛惟血虛頭痛不治用片苓

細切酒拌晒乾為末茶清調下酒亦可

補氣湯

服前藥之後服此藥

黃耆八兩 甘草炙 當歸身各二錢 柴胡 升麻各二分
細辛少許 麻黃炒 苦丁香各五分 水煎服

安神湯

頭旋眼黑頭痛

羌活一兩 防風二錢半 柴胡五錢 酒黃栢一兩 酒知母

酒生地 升麻各五錢 黃耆二兩 甘草半生半熟四錢

右咀咬每服半兩水二大盞煎至一盞半加蔓荊子五分川芎三分再煎至一盞臨卧時去渣熱服

右東垣丹溪治虛熱頭痛大率皆以酒苓酒連酒栢加風劑也

川芎散 頭風偏正頭風昏眩

川芎 細辛 羌活 槐花 甘草 香附

石羔 灸各五錢 荆芥 薄荷 菊花 防風 茵陳

各一兩 右為細末每服二錢食後茶清調下日服三

石羔散 頭痛不可忍

麻黃 去節 石羔 各一兩 何首烏 五分 葛根 七錢

右為細末每服三錢生姜三片水煎稍熱服

又方亦名石羔散 頭痛

川芎 石羔 白芷 各等分

右為細末每服四錢熱茶清調下

荆芥散 治頭風 王太醫方 荆芥 石羔 各等分

右為細末每服二錢姜二片葱白三寸連翹
便水一盞煎七分食後服

王真丸 寒濕為多腎氣不足氣逆上行頭疼不
可忍謂之腎厥其脉舉之則弦按之則堅

硫黃 二兩 石膏 半夏 湯洗 硝 研各二兩

俱為細末研勻生姜糊為丸梧子大陰乾每
服二十九姜湯或米飲下更多關元百壯良
方中黃丸子亦佳虛寒甚者去石羔用鍾乳

粉一兩

玉壺丸 風濕頭痛亦作痰患

半夏 南星 天麻 為末白麵丸服二錢

姜蚕散 偏正頭痛併夾腦風連兩太陽頭痛

白姜蚕為末用葱茶調服

乳香盞落散 男子婦人偏正頭痛不可忍大有

神効此風感踈散而痛宜酸以收之

御米殼

去蒂 四兩

陳皮

甘草

炙 桔梗

去芦 柴胡

各一兩

右為細末每服二錢水一鍾入燈心十莖長

四指同煎七分溫服

治時氣頭痛不止 用朴硝二兩為末生油調塗

於頂上

治頭內如虫蛀響名天白蟻用茶子細末吹鼻中

如聖散 眼目偏痛頭風

麻黃

燒灰 半兩

盆硝

二錢 半

射香

腦子

各少許

右為細末搗之神効

治頭風餅子 五倍子 全蝎 土狗介

右為末醋糊作如錢大餅子發時再用醋潤

透貼太陽穴上灸熱貼之驗甚仍用帕子縛之啜濃茶睡覺則愈

一奇散 產後頭痛 用當歸川芎為細末每服二錢水一盞煎七分溫服

治產後身熱頭痛肚痛

陳皮 白朮

白芍

各二錢

黃芩

二錢半

川芎

一錢

乾姜

牡丹皮

甘草

各一錢五分

荆芥

五分

分四帖煎服

芎附散 產後敗血作梗頭痛諸藥不効

大附子一枚醃醋一碗用火四畔灸透醃醋令

盡去皮臍加川芎一兩並為細末每服一錢茶

請調下

東垣曰濕熱在頭而頭痛者必以苦吐之若用上項搐鼻藥而涎少者必兼吐法治之

邪在胃而頭痛者必下之其症必兼膈痞或動作則痛甚或右手脉滑盛者是也

新沐中風為首風頭面多汗惡風當先風一日則病甚至其風日則少愈大川芎丸主之

風氣循風府而上則為腦風項背怯寒腦戶極冷
神聖散主之

大川芎丸 首風旋暈弦急外合陽氣風寒相搏
胃膈痰飲偏正頭疼身體拘倦

川芎一兩 天麻四兩 為末煉蜜丸每兩作十九

每服一丸細嚼茶酒下食後服

神聖散 腦風邪氣留飲不散項背怯寒頭痛不
可忍者

麻黃去節 細辛去苗 乾葛生一 藿香葉各等

右為末每服二錢煮荊芥薄荷酒調下茶亦
得併治血風症

大全黑龍丹 產後寒凝血滯或胞衣不下或汚
血奔心危急惡疾垂死者但灌藥入口便活妙

通神聖 當歸 五靈脂 川芎 良姜 熟

地各三兩 右研末入罐鹽泥固濟抵口炭十觔

煨令通赤冷定取開看成黑糟色細研入後藥

百草霜五錢 硫黃 乳香各一兩 花蕊石 琥珀各三錢

右五味為末并前和勻丸如芡實大每服一丸

雷頭風

俗名非古也

張子和曰雷頭風者結核塊於頭上而作痛者是也
也可用茶調散吐之次用神芎丸下之然後服
烏荊丸及愈風餅子之類消風散熱是其治也
如涼膈散之類

又云雷頭風是頭上有赤腫結核或如酸棗狀可
用排針出血則愈矣

生生子曰所謂雷頭風者必是痰結核塊或先暗
有於頭上然後隨過而發或勞後或酒色或食

燻灸動風發毒之物感而發之或紅或腫而痛
作矣急則治其標針而血出風散火滅痛自減
去或有之也若先無結塊痰核卒然發寒熱而
腫痛者乃風毒也不可不察

茶調散

又名二仙散

瓜蒂

茶葉

為末每服二錢蓋汁調服乃取吐藥也

神芎散 實者下之是也能去膈上滯痰

大黃

黃芩

各二兩

牽牛

活石

各四兩

為細末滴水為丸如小豆大溫水下十五丸每

服加十九以利為度日三服

愈風餅子

川烏 川芎 甘菊 白芷 薄荷 防風

細辛 天麻 羌活 荊芥 甘草 各等分

為細末水浸蒸餅為劑捏作餅子每服三五餅
細嚼茶酒送下不拘時候

保命集云夫治雷頭風諸藥不効者為與症不相
對也蓋雷頭風者震卦主之震仰盂故予製藥
內加荷葉者象震之形其色又青乃述類象形

當煎局方中升麻湯主之治頭面疙瘩增寒拘
急發熱狀如傷寒 升麻 蒼朮 薄荷

為細末每服五錢水一鍾煎七分溫服食後
或燒全荷葉一個研細調藥服之

生生子曰按二公方論俱以結核疙瘩而用風藥
論治且指震為雷為譬固美矣恐猶未盡善也
夫此病未有不因於痰火者蓋痰生熱、生風
故也核塊疙瘩皆有形可徵痰火上升壅於氣
道兼於風化則自然有聲輕則或如蟬之鳴重

則或如雷之響故以聲如雷而為名也或以其
 發如雷之迅速也設如前論盡作風熱治之恐
 認標而忘其本也予故附痰火一方于後以俟
 明哲評之 白姜蚕 錢五 粉草 錢二 半夏 牙皂姜汁
 連喬 錢五 片苓 酒七 錢 炒 陳皮 去白 桔梗 各五 大黃 酒
 九次 薄荷葉 錢三 白芷 錢二 天麻 酒五 錢 青礞石 錢二
 俱為細末水浸餗餅為丸如綠苴大食後臨卧
 茶吞二錢以痰利為度然後用清痰降火煎藥
 調理

紅苴散 頭重如山此濕氣在頭也

麻黃根 炒 苦丁香 各五分 紅豆 粒十 羌活 燒 連喬 各
 錢 右五味為細末鼻內搐之

頭風屑肝經風盛也大便實瀉青丸主之虛則消
 風散主之

消風散 諸風上攻頭目昏痛項背拘急肢體煩
 痛肌肉蠕動目眩旋運耳簫蟬鳴眼澁好睡鼻
 塞多嚏皮膚頑麻燥痒癢疹又治婦人血風頭
 皮腫痒眉骨疼旋欬倒痰逆惡心

川芎 羌活 人參 茯苓 白姜蚕 藿香

荆芥 甘草 蟬殼 去土各二兩 厚朴 姜製 陳皮 去白各五錢

防風 右為細末每服二錢茶清調下如久病

偏頭風每日三服便愈輕減如脫着沐浴暴感

風寒頭痛身重寒熱倦疼用荆芥茶清調下半

盞不拘服之小兒虛風目澁昏倦及急慢驚風

用乳香荆芥湯治風屑極燥痒無時此乃氣虛

風邪侵於皮表用藜蘆不拘多少為末先于無

風處洗頭候將乾時用末摻之須用入髮至皮

乃緊縛之一日夜次日即不燥痒如尚有些少

可再用一次立効

頭上白屑極多山荳根油浸塗或以乳汁調

又方 白芷 零零香 各等分 為末如前法用之

候三五日篦去敷二三次終始不生

大頭病 頭腫大如斗是也大率多是天行時疫病

泰和年東垣以監納濟源稅時長夏多疫癘初覺

增寒體重次傳面目腫盛目不能開上喘咽喉

不利舌乾口燥俗云大頭天行親戚不相訪問

如染之多不救張縣丞亦得此症至五六日醫以承氣湯加板藍根下之稍緩翼日其病如故下之又緩終莫能愈漸至危篤或曰李明之存心於醫可以請治遂命診視具說其由曰夫身半已上天之氣也身半已下地之氣也此雖邪熱客於心肺之間上攻頭而為腫盛以承氣下之瀉胃中之實熱是誅罰無過殊不知適其病所為故遂處方用黃連黃芩味苦寒瀉心肺間熱以為君橘紅玄參苦寒生甘草甘寒瀉火補

氣以為臣連喬鼠粘子薄荷葉苦辛平板藍根味甘寒馬屁勃白姜蚕味苦平散腫消毒定喘以為佐新升麻柴胡苦平行少陽陽明二經不得伸桔梗味辛溫為舟楫不令下行共為細末用湯調時時服之拌蜜為丸噙化之服盡良愈因歎曰往者不可追來者猶可及凡他所有是病者皆書方以貼之全治甚眾

普濟消毒飲

黃芩

黃連

錢各五

人參

錢三

橘紅

玄參

各二錢

連喬 鼠粘子 板藍根 馬屁勃各一錢 甘草

生柴胡 桔梗各二錢 白姜炒 升麻各一錢

為細末服如前法或加防風薄荷當歸身川芎
每服五錢水煎食後時時熱服如大便硬加酒
煨大黃一錢以利之腫熱甚者宜砭刺之

生生子曰觀消毒飲以普濟二字為命名之首書
告四方使人人得躋壽域者君子之存心也乃
今時之醫偶獲一未穩之方就括囊緘口自秘
終身為徼利之計視此普濟消毒飲寧不自愧

於心乎

大頭病者雖在身半以上熱伏于經以感天地四
時非節瘟疫之氣所着以成至于潰裂膿出而
又染他人所以謂之疫癘也大抵足陽明甚則
逆傳視其腫勢在何部分隨其經而取之濕熱
為腫火盛為痛此邪發於首多在兩耳前後所
先見出者為主為根治之宜早藥不宜速恐過
其病所謂上熱未除中寒已作有傷人命矣此
疾是自內而之外者是為血病况頭部分受邪

見於無形之處至高之分當先緩而後急先緩者謂邪氣在上着無形之部分既着無形所傳無定若用重劑大瀉之則其邪不去及過其病矣雖用緩藥若又急服之或食前或頓服或失緩體則藥不能除病矣當徐、漬無形之邪或藥性氣味形體擬象服餌皆須不離緩體及寒藥或酒炒浸之類是也後急者謂前緩劑已經高分瀉邪氣入於中是到陰部染於有形質之所若不速去反損陰也此却為客邪當急去之

是治客以急且治主當緩者謂陽邪在上陰邪在下各為本家病也若急治之不惟不能解其紛而反致其亂矣此所以治主當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急去之此治客以急也假令少陽、明之為病少陽者諸邪出於耳前後也陽明者首面大腫也先以黃芩黃連甘草通炒過剉煎少、不住服呷之或服畢再用大黃或酒浸或煨又以鼠粘子新

瓦上炒香咬咀煎去渣內芒硝各等分亦細細
呷之當食後用徐得微利又邪氣已只服前藥
如不已再服後藥依前次第用之取大便利邪
已則止如陽明渴者加石膏少陽渴者加瓜蒌
根陽明行經加升麻葛根芍藥之類大陽行經
加羌活防風荆芥之類選而加之並與上藥均
合不可獨用散也

黑白散 大頭病如神

烏黑蛇酒浸 白花蛇酒去頭尾 雄黃兩二 大黃煨五錢

為細末每服一二錢白湯調下

治疫毒頭重者甘桔湯加鼠粘子大黃芒硝

大頭天行病 羌活 酒芩 酒蒸大黃

大頭風用井底泥調大黃芒硝塗之

又方治大頭疫如神 貫衆三錢 葛根二錢 甘草半一錢

白姜蚕炒一錢 水煎服極佳加黑豆三錢尤妙

面門

靈樞經曰面熱者足陽明病十二經脈三百六十
五絡其血氣皆上於面而走空竅其精陽氣上

走於目而為睛其別氣走於耳而為聽其宗氣
上出鼻而為臭其濁出於胃走唇舌而為味其
氣之津液皆上薰於面而皮又厚其肉堅故天
熱甚寒不能勝之也

青紅黃白黑五色以應五臟是以外候驗內症也
東垣曰飲食不節則胃病胃病則氣短精神少而
生大熱有時而火上獨燎其面

丹溪曰面熱因胃熱有鬱火面寒因胃虛
咳逆停息不得卧面熱如醉此為胃熱上冲薰其

面以茯苓桂枝甘草五味湯加大黃利之

羅氏治楊郎中之內五十一歲身體肥盛已酉春
患頭目昏悶面赤熱多服清上藥不效請治診
其脉洪大而有力內經云面熱者足陽明病脉
經云陽明經氣盛有餘則身已前皆熱况其人
素膏粱積熱於胃陽明經多血多氣本實則風
熱上行諸陽皆會於頭目故面熱之病生矣先
以調胃承氣湯七錢加黃連三錢犀角一錢疎
下三兩行徹其本熱次以升麻加黃連湯去經

絡中風熱上行如此則標本之邪俱退矣

升麻加黃連湯

升麻

葛根

各一錢

白芷

七分

甘草

炙

白芍

各五分

酒黃連

四分

生犀角

末

川芎

荆芥穗

薄荷

各三分

分

用水半盞先浸川芎荆芥穗薄荷外都作一

服水二盞煎一盞入先浸三味同煎至七分

食後溫服數服愈 忌酒麵五辛物

面寒尻長老六十歲躄瘦弱十月間病頭面惡寒不敢當風行諸治不効脉短細而微且年高向

素食日惟茶菓而已陽明之經本虛脉經云氣

不足則身已前皆寒慄又加看誦損氣由此胃

氣虛經絡之氣亦虛不能上榮頭面故惡風寒

先以附子理中丸溫其中氣次以升麻湯加附

子主之

升麻

葛根

白芷

黃芪

附子

炮各七分

甘草

炙

人參

草薢

冬五分

益智仁

三分

水一鍾半連鬚葱頭二莖煎至一鍾溫服數

服良愈

升麻湯辨

或曰升麻加黃連湯治面熱升麻加